

REGIONAL NEWS UNIT

ALL INDIA RADIO GANGTOK

BHUTIA NEWS BULLETIN

BROADCAST: 18:50 HRS

DATE: 18/03/2025

YOUTH FESTIVAL

འཕྲོད་བསྟེན་ དང་ རྩོམ་ ལོག་ཏུ་ མཉམ་ཅེ་ རྟེན་གཞུང་ རྫོན་པོ་ ལྷ་ཞབས་ G.T Dhungel གི་ གསུང་པོ་ ཨིན་ ཡོན་ཏན་ གི་ གཤི་ ལོ་ཚད་ དང་ ཆམ་ མེད་ དང་ ཐབས་ཅད་ རེ་རེ་ ལས་ ལེད་མ་ གོ་སྐབས་ ཐོབ་ཤད་ ཨིན། ཁོང་ ད་རིང་ ༡ པོ་ བྱང་ཤར་ གཞན་པོ་ ཏུས་ཆེན་ ༢༠༢༥ འོན་བཞིན་ Nar Bahadur Bhandari གཞུང་འབྲེལ་ གཞུག་ལ་ རྫོབ་གྲ་ ལྷ་མདོང་ ན་ བཞག་མཁན་ ལས་རིམ་ ན་ ལྷན་དོན་ གཙོ་བོ་ ཞེན་ གསུང་ཤད་ གནང་བཞིན་ ཡོད་པོ་ ཨིན། ཅེད་མ་ དང་ གཞན་པོ་ འབྲེལ་བའི་ ལས་ལག་ གི་ བཞག་མཁན་ ལས་རིམ་ གི་ འགོ་བརྒྱུད་ ཨིན་པོ་ སྤང་གྲ་ གཞན་པོ་ གྲུང་གྲ་ ཡུལ་རྒྱུ་ Meri Bharat, Vikshit Bharat ལཔ་ ཨིན་པོ་ སྤང་ རྟེན་གཞུང་ དང་ ཅེད་མ་ རྒྱག་ཤད་ གཡོག་ ལུ་ ན་ གཞན་པོ་ ལུ་ རྒྱུད་ལོན་ གི་ རྒྱལ་ཆེན་ རྫོར་ལས་ གསུང་བཞིན་ རྫོན་པོ་ གི་ རྫོབ་ཕུག་ ལུ་ ལོ་ སོ་མའི་ གཡོག་ རྩེད་ལོ་ ཐུར་ཐུར་ བྱིན་ཤད་ དང་ མ་འོང་བའི་ མི་རྟེན་ ལོ་ བཅས་ཐུར་ བྱིན་ཤད་ དམིཌ་ཡུལ་ བཞག་ཤད་ བསྐབ་བྱ་ གནང་པོ་ ཨིན། ཏུས་སྐབས་ འདི་ ན་ བཞག་མཁན་ གཞུང་གྲུ་ དང་ ལྷམ་ བདོན་ཕུར་ ན་ AP, Manipur, Meghalaya, Mizoram, Nagaland, Tripura དང་ འབྲེལ་རྫོངས་ གྱི་ འཛིན་ཏྲོན་པོ་ ལུ་ གྲུང་ལོན་པོ་ ཨིན།

YOUTH CONVENTION

སྤང་ཏྲོག་ ན་ བཞག་མཁན་ ཐེངས་ ༤པོ་ བྱང་ཤར་ གཞན་པོ་ ཏུས་ཆེན་ ༢༠༢༥ གི་ ཉིམ་ ༢ པོ་ ན་ ད་རིང་ Chintan Bhawan ན་ གཞན་པོ་ རྫོང་བསུ་ དང་ རྒྱུད་ཏིན་ ལས་རིམ་ བཞག་གོ་ ཨིན། རྒྱལ་ཁབ་ ཞབས་ཅེ་ འཆར་གཞི་ དང་ རྒྱལ་ཁབ་ གྱི་ ཅེད་མ་ དང་ གཞན་པོ་ འབྲེལ་བའི་ ལས་ལག་ གི་ གཅིག་མཐུན་ རྩོམ་ ན་ བཞག་མཁན་ ལས་རིམ་ ན་ གསུང་ཤད་ གནང་བཞིན་ ཅེད་མ་ དང་ གཞན་པོ་ འབྲེལ་བའི་ ཏུང་ཆེན་ ལྷམ་སྐ་ Yogeeta Rai གི་ གསུང་པོ་ ཨིན་ གཞན་པོ་ ལུ་ མ་ཕུང་ བཞུག་གོ་ མ་ཐོན་བ་ རྒྱལ་ཁབ་ གི་ རྒྱ་ཆ་ དང་ རྫོན་ལས་ རྒྱག་མཁན་ ཐུར་ཡང་ ཨིན། རྫོབ་ཕུག་ ལུ་ ལོ་ རང་རང་ ལོ་ རྫོངྱིག་ཤད་ དང་ མི་ཆེ་ ན་ ག་ཏིམ་ ཡང་ བདོན་བསུར་ ལུ་ འོང་ལེན་ བྱས་ཤད་ བསྐབ་བྱ་ གནང་བཞིན་ ཁོང་ གི་ རྫོང་བསུ་ འདི་ ལས་ གཞན་པོ་ ལུ་ གི་ ཏྲན་ཏྲན་ རང་ འདི་ ལས་ ཡོན་ཏན་ ཐོབ་ཤད་ རེ་ཆེ་ འབྲན་པོ་ ཨིན། ལས་རིམ་ ན་ ལྷན་ཏྲན་ ཆ་ག་ ཞེ་ཤད་ ཉེ་ཁའ་ དང་ རྫོང་ དང་ རྒྱལ་ཁབ་ གི་ ཡོང་དོན་ ཡར་རྒྱས་ ན་ འདི་ བར་ཆད་ རྫོར་ལས་ འབྲེལ་ཤད་ ཕུལ་པོ་ ཨིན།

YOUTH FESTIVAL M.G MARG

ཐེངས་ ༤ པོ་ བྱང་ཤར་ གཞན་པོ་ ཏུས་ཆེན་ གྱི་ ཞག་ གཅིག་ གི་ ཞེན་ སྤང་ཏྲོག་ རྫོམས་ཁང་ འཛིན་སྐྱོང་ གི་ Mayor འདོན་ ལྷམ་སྐ་ རྫོང་འོང་ དཔལ་ལྷན་ པོ་ཁྲི་ཡ་ གི་ ད་རིང་ M.G Marg ན་ གཞན་པོ་ Kriti དང་ ཟད་གོད་ stall ལུ་ གི་ འགོ་བྱི་ གནང་པོ་ ཨིན། རྒྱལ་ཁབ་ ཅེད་མ་ འཆར་གཞི་ དང་ Nehru Yuva Kendra Sangathan གི་ འཛིན་ཏྲོག་ དང་ རྩོམ་ ན་ བཞག་མཁན་ ཟམ་ stall ལུ་ ན་ ཐེངས་ ༤ པོ་ བྱང་ཤར་ མངའ་ཕྱེ་ ལུ་ གི་ ཟ་མའི་ རིག་ དང་ ལག་བཟོ་ མཉམ་ཅེ་ ལག་ཐག་ ལུ་ ལྷམ་བསྟེན་ བཞག་ ཡོད་འགོ་བྱི་ ལས་རིམ་ ན་ གཞན་ གཏང་ཕྱི་ ཅེད་མ་ དང་ གཞན་པོ་ འབྲེལ་བའི་ ལས་ལག་ གི་ ཏུང་ཆེན་ གི་ ཡང་ ཨོ་ཁར་ ལུ་ ཨིན།

LOK SABHA MP

འབྲེལ་རྫོངས་ གྱི་ Lok Sabha འབྲེལ་མི་ ལྷ་ཞབས་ Dr. Indra Hang Subba གིས་ ད་རིང་ རྩེ་ལི་ གསར་པོ་ ན་ དབུས་གཞུང་ electronic དང་ ལོན་འབྲེལ་ མཚན་རིག་ རྫོན་པོ་ Ashwani Vashwani མཉམ་ཅེ་ མངལ་པོ་ ཨིན། མངལ་བའི་ ལྷབས་ ན་ ཁོང་ གི་ རྫོན་པོ་ མདུན་ན་ བཞག་མཁན་ འབྲེལ་རྫོངས་ ན་ རྫོམ་པོ་ གས་ ན་ AI འབྲེལ་ཕྱི་ ལས་རིམ་ བཞག་ཤད་ ལཔ་མཁན་ ལུ་ བ་ རྫོར་ལས་ ལྷ་ཞབས་ Vashwani གི་ ལེད་ཤོག་ བསམ་སྟོ་ འབྲན་པོ་ ཨིན། དབུས་གཞུང་ རྫོན་པོ་ གི་ ཏུས་ཆེད་ འོན་བཞིན་ མཚན་རིག་ ཡར་རྒྱས་ བྱས་ཤད་ གཞུང་ གི་ དམིཌ་ཡུལ་ འོན་བཞིན་ ལས་རིམ་ འདི་ བཞག་ཤད་ གོ་སྐབས་ ཡོད་ཚུལ་ འོན་ལས་ ད་རུང་ ཐུར་བསམ་ ཞེ་ཤད་ བསྐབ་བྱ་ གནང་པོ་ ཨིན། Vashwani གི་ གསུང་ཤད་ ལོ་ དགའ་གྲ་ འབྲན་ཞན་ Lok Sabha འབྲེལ་མི་ གི་ གསུང་པོ་ ཨིན་ རྒྱ་གར་ གི་ AI འགོ་བརྒྱུད་ ན་ རྟེན་རམ་ བྱིན་ཤད་ བྱང་ཤར་ ཡུལ་རྒྱུ་ གྱི་ རྫོམ་པོ་ ཡོན་ཏན་ དང་ ཏུས་ཐུར་ ཡོད་ དང་ ཡུལ་རྒྱུ་ ན་ གཅིག་ AI ཐབས་ཅད་ གི་ གཞན་པོ་ རྫོང་འབྲེལ་པོ་ ལུ་ དང་ འབྲེལ་མི་ ལུ་ ལོ་ ཐུར་ཅན་ བཟོ་ཤད་ ཨིན།

CEC MEET

གཙོ་བྱི་ འོས་ཤོག་ འགོ་བརྒྱུད་ Gyanesh Kumar གི་ ད་རིང་ རྩེ་ལི་ གསར་པོ་ ན་ རང་སྲིད་ རྫོན་རྒྱུ་ ཁང་ རྒྱུད་རྒྱུ་ ཁང་ ལས་ལག་ གི་ ཏུང་ཆེན་ ལུ་ དང་ UIDAI གི་ གཙོ་བོ་ གཡོག་འགན་པོ་ འགོ་བརྒྱུད་ ལུ་ མཉམ་ཅེ་ རྫོང་བསུ་ གནང་པོ་ ཨིན། འདི་ ན་ Aadhar རོས་འཛིན་ བཞག་གོ་ མཉམ་ཅེ་ ཐུས་ཤད་ རྫོར་ལས་ རྒྱུད་ཏིན་ ཐོན་པོ་ ཨིན། འདི་ བར་ ན་ འོས་ཤོག་ བདོན་ཕུར་ ལུ་ གི་ རྫོན་ལས་ བྱས་ཤད་ རྒྱུད་པོ་ ཐབས་ལམ་ ལུ་ བྱས་ཕུང་ གཏང་ཡོད་འདི་ རང་ལས་ འོང་མཁན་ ཉིམ་ ༩ རང་ཤ་ Duplicat Voter ID ལོ་ ཐབས་ལམ་ བྱས་ཤད་ དང་ འོས་ཤོག་ agent ལུ་ ལོ་ ཁོང་ལུ་ རྒྱལ་ཆེན་ ཐུག་ལས་ རྫོར་ལས་ ཐུར་དར་ བྱིན་ཤད་ གེམ་ གཏམ་ལུ་ ཁ་འབམ་ ཡོད། འདི་ ལས་ གཞན་ འོས་ཤོག་ ལས་ཁུངས་ ལུ་ ན་ རིང་གོ་ line ལུ་ ལོ་ ཐུང་ཐུང་ བཟོ་ཤད་ འོན་ལས་ འོས་ཤོག་ འཛིན་སྐྱོང་ གྱི་ མ་ཕུད་ ན་ ག་ འདི་ ཡང་ འོས་ཤོག་ རྒྱག་ཤད་ ལས་ཁུངས་ ལུ་ ན་ རྫོང་ཕག་ ༡ དང་ ༢༠༠ ལས་ རྒྱུད་པོ་ འོས་ཤོག་ རྒྱག་མཁན་ མ་ཐོན་ ཤད་ ཐག་ཆད་ གནང་པོ་ ཨིན།

PURPLE FAIR

ལྷ་ལའ་ Locomotor Disabilities ལས་ཁུངས་ གོལ་ཀ་ཏ་ ཡན་ལག་ ལེད་མ་ མེད་མཁན་ ལུས་ཤུག་ ལས་ལག་ དང་ དབུས་གཞུང་ སྤྱི་ཚུ་ ཁྲིམས་ ལོག་ཏེ་དང་ ཐོབ་ཤོས་ རྫོན་ཚུ་ ཁང་ ངོ་འག་ ན་ ཡོད་མཁན་ ལག་ཁང་ ཡར་རྒྱས་ rehabilitation དང་ ལུས་ཤུག་ ཆེན་པོ་ འབྲས་ལྗོངས་ ཡོང་དོམ་ ཡུལ་ཚུ་ རྫོང་ཁང་ ལས་ཁུངས་ མཉམ་ཅེ་ ཁ་འབམ་ གྲེ་ དཔའ་སྦྱོང་ གི་ མི་རིག་ ལས་ཁུངས་ ན་ Purple fair ལའ་མཁན་ བཞག་ཤང་ ཐོན་ ཡོད། ལོ་ འདི་ལོ་ ལས་རིམ་ གི་ མགོ་བརྩེད་ འདི་ གཅིག་ ཡར་རྒྱས་ ཆེན་པོ་ དང་ ཁ་འབམ་ མཁན་ ལྷ་ལའ་ གི་ ཡན་ལག་ ལེད་མ་ མེད་མཁན་ ལོ་ ཡར་རྒྱས་ ལྷ་གར་ ༢༠༡༩ དང་ Pushpit Sikkim @50 ན་ ཡན་ལག་ ལེད་མ་ མེད་མཁན་ ལུ་ ལོ་ ཁ་འབམ་ ཤང་ དོན་ ལས་ ཨིན། fair འདི་ ན་ གཞན་ ལས་རིམ་ ལུ་ ཏང་གྲེ་ སྤྱི་ཚུ་ Divyasa Kendra གི་ ཐོག་ལས་ ལྷ་ལོ་ མི་རིག་ ལུ་ ལོ་ རྟེན་རམ་ འབྲུལ་འཁོར་ ལུ་ མགོ་ཤང་ དོན་ལས་ ཨིན་པོ་ སྤང།

WEATHER

མངའ་གྲེ་ ད་རིང་ ཡང་ ཉམ་ མོར་ཀྱ་ ལེད་མ་ ཐོན་ས་ལས་ མི་སར་ ས་གནས་ གན་མ་ལ་ རིགས་གསར་ ལས་ལག་ གི་ བྱིན་བོའི་ Report རང་ལྟར་ མོང་མཁན་ ལུས་ཚད་ ༢༤ ན་ སྤང་ཏྲོག་ དང་ སྤང་ཏྲོག་ མཐའ་ཉིད་ ས་ཆ་ འདི་ལུ་ ན་ ཆ་ཚད་ མང་དགས་ ༢༢.༥ °C དང་ ཆ་ཚད་ ལུང་དགས་ ༡༢ °C record གནང་ ཡོད། ལས་ལག་ གི་ ཐོ་རངས་ ཆ་ཚད་ མང་ དགས་ ༡༩°C དང་ ལུང་དགས་ ༡༢.༡ °C ཐོན་ཤང་ གོ་ རྫོན་ཤོས་ གནང་ ཡོད།